

## Hennepin County

# Bottineau Transitway Cov Lus Xam Pom Ntawm Kev Sojntsuam Pab Rau Kev Noj Qab Nyob Zoo



Sau los ntawm Crystal Myslajek

## **Hais Txog Kev Tsheb Ciav Hlau Bottineau Transitway**

Bottineau Transitway (yav kev txuas ntxiv rau ceg kev ciav hlau METRO Blue Line) yuav coj tsheb khiav ciav hlau lossis light rail transit (LRT) tuaj khiav rau sab qaumteb hnuv poob cheebtsam ntawm Nroog Ntxaib. Txoj kev khiav 13-mais yuav pib hauv plawv nroog Minneapolis, chaws hla nroog Golden Valley, Robbinsdale thiab Crystal, thiab los kawg rau Brooklyn Park.


Yav kev txuas ntxiv rau ceg kev ciav hlau METRO Blue Line (Hiawatha LRT) no yuav mus cob rau ceg kev ciav hlau METRO Green Line thiab Green Line yav kev txuas ntxiv (Central Cwest LRT) thiab Northstar Commuter Rail nyob rau Target Field Station hauv Minneapolis.

Ib feem ntawm kev npaj rau kev tsheb ciav hlau yog Hennepin County yuavtsum tau ua ib qho kev tshawbfawb txog kev noj qab nyob zoo uas muaj npe hu ua Kev Sojntsuam Pab Rau Kev Noj Qab Nyob Zoo lossis Health Impact Assessment (HIA), los tsom xam txog tej yaam zoo thiab tsis zoo nraub nrab ntawm kev noj qab nyob zoo, kev tsheb thiab kev siv thaj av.

# Qhov chaw uas kev noj qab nyob zoo, kev tsheb, thiab kev siv thaj av los sibtsuam uake

Kev noj qab nyob zoo pib hauv thajtsam ib ncig ntawm qhov chaw peb nyob, kawm ntawv, ua haujlwm thiab uasi. Tej kev tsim lossis txhimkho xws li kev tsheb loj khiav ceev, kev tsheb mus los hauv zos thiab tej sabkev taug, hloov thajtsam ib ncig tej no. Bottineau HIA kev tshawbfawb pom tias Bottineau Transitway muaj yam zoo yuav pab tau kev noj qab nyob zoo zoo ntxiv rau cov neeg nyob ze ntawm cov chaw zov tos tsheb. Nws kuj tseem yuav pab tau cov neeg uas tuaj txhua qhov chaw ntawm cheebtsam tuaj uas siv kev tsheb ciav hlau.

Txoj kev tsheb ciav hlau tshiab yuav pab tau zoo rau kev noj qab nyob zoo rau neeg hauv zejzob los ntawm kev siv lub cev heev dua, kev mus ua tau haujlwm, tej vajtse nyob thiab nqi kev mus los, tsis muaj tsheb sibtsob, kev mus tau mus kawm ntawv thiab mus yuav tau tej zaubmov khoom noj zoo uas tsis ua mob.



## Kev siv lub cev ua haujlwm

### Kev Tsheb Ciav Hlau Bottineau Transitway yuav ua rau neeg siv lub cev ua haujlwm txhua txhia hnub ntau tshaj

Xam nyob hauv tebchaw, cov neeg ua siv tsheb ciav hlau tau txais 24 feeb kev ua exawsxais sijhawm taug kev mus los zov tos tsheb. Thajtsam tej qhov chaw zov tos tsheb los kuj tseem muaj kev caij tsheb tuam ob lub log thiab kev taug, xws li sabkev taug thiab tej txoj kev mus kotaw taug kev. Kev tshawbfawb pom tias tej kev tsheb uas muaj kev ruaj nreg thiab zoo rau neeg taug kev thiab caij tsheb tuam ob lub log txhawb rau neeg muab kev ua exawsxais ua ib feem ntawm lawv lub neej niajnub.

Kev tsheb ciav hlau Bottineau Transitway yuav txhawb muaj kev yoojyim mus txog rau Theodore Wirth Park nrog rau lub chaw zov tos tsheb uas npaj yuav ua ze txoj kev Golden Valley Road lossis Plymouth Avenue. Kev tshawbfawb kuj pom tias thaum neeg muaj kev mus tau rau tej vaj uasi (parks) yooj yim lawv yuav siv lawv lub cev heev dua.

### Ua cas qhov no thiaj tseemceeb rau kev noj qab nyob zoo

Kev tshawbfawb qhia tias kev ua exawsxais tseemceeb heev rau kev noj qab nyob zoo. Tiamsis, muaj li ib nrab cov laug thiab peb feem plaub ntawm cov menyuum nyob hauv Hennepin County tsis tau txais kev qhia kom yuav ua exawsxais txog qib twg.

## Kev Ua Haujlwm

### Kev tsheb ciav hlau Bottineau Transitway yuav pab rau kev mus ua tau haujlwm rau cov neeg nyob ntawm thajtsam chaw zov tos tsheb

Qhov uas muaj ntau txoj kev mus ua tau haujlwm thoobplaws cheebtsam yuav ua rau neeg muaj kev xaiv tau ntau yam haujlwm ua. Kev tsheb ciav hlau yuav pab txhawb kom muaj kev lagluam thiab kev noj kev hau zoo tuaj thiab muaj haujlwm ntau nyob rau hauv tej zej zos ib ncig thajtsam cov chaw zov tos tsheb.

Qhov kev los tsim txoj kev ciav hlau Bottineau Transitway yuav tsim muaj haujlwm rau sab kev ua kev/tsev, kev khia num tswjhwam thiab kev tus saib xyuas.

### Ua cas qhov no thiaj tseemceeb rau kev noj qab nyob zoo

Thaum neeg muaj haujlwm zoo tau nyiaj txaus noj txaus haus lawv yuav muaj siav nyob ntev dua, cev nqaij tawv zoo dua thiab meej pem. Muaj ntau yam ua rau ib tus neeg ua haujlwm thiab ua yam haujlwm dabtsis. Ib qho tseemceeb ntawd yog kev mus los.

Tamsim no, haujlwm muaj nyob thoobplaws cheebtsam, ua rau nyuab thiab nqi kim rau cov neeg ua haujlwm uas tsis muaj tsheb yuav mus tau. Nyob qee qhov chaw ntawm kev tsheb Bottineau, muaj ze li ntawm 60 feem puas yim neeg tsis muaj tsheb.

## Nqi Vajtse Nyob thiab Nqi Kev Mus Los

### Kev Tsheb Ciav Hlau Bottineau Transitway yuav ua kom ob qhov nqi, xws li nqi tsev thiab nqi kev mus los, no kom neeg them taus zoo dua.

Nqi kev mus los thiab nqi tsev yog ob yam nqi ntau tshajplaws rau tsev neeg Ameslikas. Tej zaum tej zej zos uas vajtse pheejyig los tseem kim uas yuav nyob tau vim neeg yuav tau tsav tseb mus ntau qhov chaw thiab thaum kawg yuav siv nyiaj rau nqi kev mus los ntau tshaj.

Kev tsheb ciav hlaub Bottineau Transitway yuav pab kom ob qhov nqi, xws li nqi tsev thiab nqi kev mus los, kom neeg them taus dua vim tias nyob ntawm lub zej zos muaj kev tsheb mus los yoojyim, muaj kev mus tau kotaw thiab lwm yam kev pab uas siv nqi kev mus los tsawg. Txoj kev tsheb ciav hlau tshiab tseem yuav uas kom tej vajtse muaj nqi tuaj, thiab yuav ua rau muaj kev txhimkho tsim lagluam thiab ntau hom vajtse nyob ntawm cov chaw zov tos tsheb.

Tej nroog, zej zos, thiab cov neeg txhimkho yuav tau koomtes uake ceev tej nqi tsev uas nyob ntawm tej chaw zov tos tsheb kom neeg them taus. Tej no yuav ua kom tej zej zos nyob ze cov chaw zov tos tsheb cov yim neeg uas khwv tau nyiaj tsawg muaj cuabkav nyob tau.

### Ua cas qhov no thiaj tseemceeb rau kev noj qab nyob zoo

Cov yim neeg uas siv nqi kev mus los tsawg yuav seem nyiaj los siv rau tej yam uas txhawb rau kev noj qab nyob zoo xws li zaubmov noj zoo tsis ua mob thiab kev kho/kuas mobnkeeg. Tej nyiaj uas seem tsis siv mus them nqi kev mus los tseem muaj cuabkav pab txo kev ntxhov siab kom tsawg thiab tivthiav kev tsis muaj vajtse nyob.

## Kev tsis muaj tsheb sibtsoo

### Kev tsheb ciav hluab Bottineau Transitway yuav pab kom tsis tshua muaj tsheb sibtsoo

Kev tsheb ciav hlau yog ib hom kev zoo tshaj uas tsi tsim muaj kev kub ntxhov. Muaj neeg coob caij tsheb ciav hlau txhais tau tias neeg siv hom kev mus los zoo tsis raug teebmeem thiab tsis muaj tsheb sibtsoo.

Tej zej zos nyob ncig cov chaw zov tos tsheb ciav hlau los tseem muaj cuabkav uas yuav txhimkho kom muaj kev mus kotaw, caij tsheb tuam ob lub log, xws li muaj ntau qhov chaw hla kev thiab tej kab kev rau tsheb tuam ob lub log mus. Tej nyiaj txiag uas siv los ua tej no yuav pab txo kom tsheb sibtsoo thiab neeg raug mob thiab tuag muaj tsawg.

Kev tshawbfawb pom tias tej kev tsheb uas ruaj ntses tsis muaj kev kub ntxhov thiab zoo rau neeg mus kotaw thiab caij tsheb tuam yuav txhawb rau neeg coob mus kotaw thiab caij tsheb tuam ob lub log. Thaum muaj neeg coob mus kotaw thiab caij tsheb tuam ob lub log ces yuav ua rau muaj tsheb tsoo neeg mus kotaw tsawg thiab neeg caij tsheb tuam tsawg.

## Ua cas qhov no thiaj tseemceeb rau kev noj qab nyob zoo

Kev raug mob vim tsheb sibtsoo muaj cuabkav ua rau lub neeg txomnyem thiab muaj nuj nqi ntau rau cov neeg ua raug thiab lawv tsev neeg. Nyob xyoo 2011, muaj 5,089 tus neeg raug mob vim tsheb sibtsoo nyob hauv nroog raws txoj kev tsheb ciav hlau Bottineau Transitway.

Pib ntawm 2001 txog 2011 tau muaj 5,094 tus neeg tau tag simneej vim tsheb sibtsoo nyob rau xeev Minnesota. Nyob xyoo 2011 nkaus xwb, muaj ntau tshaj li ntawm 72,000 qhov tsheb sibtsoo uas muaj 368 tus neeg tau tuag. Ntawm 368 tus tuag, 40 tus yog neeg mus kotaw.

## Kev mus tau mus kawm ntawv

### Kev tsheb ciav hlau Bottineau Transitway yuav ua muaj kev mus tau rau tej tsev kawm ntawv qib siab thiab kawm haujlwm

Kev tsheb ciav hlaub Bottineau Transitway yuav coj neeg mus rau North Hennepin Community College thiab lwm lub tsev kawm ntawv thiab haujlwm nyob ntawm thajtsam chaw txhimkho.

**“Kuv nyob 11 mais deb ntawm lub tsev kawm ntawv qib siab thiab yog siv kuv lub tsheb qub qub nws yuav tag nyiaj \$8/ib hnuv rau nqi roj. Tsi muaj kev tsheb ciav hlau ntawm kuv nyob, thiab kev tsav tseb yog tib txoj hauv kev uas yuav coj kuv mus kawm ntawv qib siab tau.”**

**North Hennepin Community College ib tus tub kawm ntawv.**

### Ua cas qhov no thiaj tseemceeb rau kev noj qab nyob zoo

Thaum neeg muaj kev kawm ntawv mus qib siab lawv yuav muaj feem ntau ua nrhiav tau tej haujlwm uas them nyiaj zoo thiab tsis tau mus tiv tej kev txhawj ntshai lossis kev tsis zoo rau kev noj qab nyob zoo. Lawv tseem muaj kev txawj ntse thiab peevxwm uas pab lawv paub mus nrhiav tej ntaub ntawv qhia txog kev noj qab nyob zoo thiab lwm yam kev pab. Tamsim no, ib txhia neeg kawm ntawv hauv Hennepin County pom tias qhov kev tsis muaj tsheb thiab qhov nqi kev mus los kim yog tej yam kev tivthaiv uas ua rau mus kawm tsis tau koslej (college).

## Kev mus yuav tau tej zaubmov khoom noj zoo uas tsis ua mob.

### Kev tsheb ciav hlau Bottineau Transitway yuav pab kom muaj kev mus yuav tau tej zaubmov khoom noj zoo uas tsis ua mob

Kev txhimkho nyob rau thamtsam chaw zov tos tsheb yuav txhawb tau kom neeg ua tej khws muag zaubmov noj nyob ze. Kev tsheb ciav hlau Bottineau Transitway tseem yuav pab tau tsev neeg txo nqi kev mus los kom tsawg, kom ho seem nyiaj mus yuav tej zaubmov zoo los noj.

**“Kuv siv tsheb diav txhua txhia hnuv thiab nws pab kuv txuag tau lawm quas txhiab nyiaj ntawm tej nqi nres tsheb. Ntawm cov nyiaj uas kuv txuag tau, kuv muaj cuabkav yuav tau tej zaubmov noj uas tsis ua mob... Tsis tag li, kev siv tsheb diav ua rau kuv lub tsheb tsis tshua puas, thiab kuv txuag tau nyiaj ntau ntxiv uas tsis muab coj mus siv kho tsheb.”** Ib tus pejxeem hauv Hennepin County.

## Ua cas qhov no thiaj tseemceeb rau kev noj qab nyob zoo

Tej zaubmov noj zoo tseemceeb heev rau kev noj qab nyob zoo, kev tivthaiv kabmob thiab menyuum kev loj hlob. Thaum neeg muaj kev mus yuav tau tej zaubmov zoo uas tsis ua mob lawv yuav ntxiv tej zaubmov zoo no rau lawv kev noj kev haus.

**Tsawg tshaj li ib-feem-peb ntawm cov pejxeem nyob hauv cov nroog raws txoj kev Bottineau Transitway noj txiv mab txiv ntoo thiab zaub raws li qib kev xav tau kom tseg.**

## Muaj Kev Noj Qab Nyob Zoo Rau Sawvdaws Tagnrho

**Kev tsheb ciav hlau Bottineau Transitway yuav pab txhawb kom muaj kev noj qab nyob zoo zootshaj ntxiv rau cov neeg uas txomnyem.**

Hauv Hennepin County, cov neeg tau nyiaj tsawg thiab cov neeg uas tsis yog neeg dawb muaj teebmeem rau kev noj qab nyob zoo uas yuav tivthaiv tau ntau tshaj li cov pevxeem neeg dawb thiab neeg muaj nyiaj, xws li kev loj rog thiab ntshav qab zib hom ob.

Tej kev tsis sibthooj ntawm kev noj qab nyob zoo no yog tim los ntawv ntau yam: kev noj haus thiab nyiaj txiag, kevcai pab neeg sawvdaws, kev nom kev tswv, thiab peb tej kev tsim nyob ibncig. Nws tseemceeb xav kom qhov kev txhawb nqa kev noj qab nyob zoo ntawm txoj kev ciav hlau no ncau tau mus cuag rau cov neeg txomnyem no. Kev pab rau kev noj qab nyob zoo los ntawm Bottineau Transitway rau cov pejxeem no yuav zoo los yog nyob ntawm kev pab kom cov neeg no siv tau txoj kev tsheb ciav hlau.

## Kev Xam Pom Xav Kom Ua

*Cov nqe lus teem hauv qab qhia txog tsib yam kev xam pom xav kom ua uas tseemceeb tshaj rau Hennepin County, Metropolitan Council (pab tsavxwm ntawm nroog loj) thiab cov nroog nyob raws txoj kev cia hlau Bottineau Transitway los txhawb txoj kev tsheb ciav hlau kev pab rau kev noj qab nyob zoo. Lwm qhov kev xam pom xav kom ua muaj sau nyob rau tsab ntawv qhia txog (report) nyob ntawm [www.hennepin.us/bottineauhia](http://www.hennepin.us/bottineauhia).*

### Kev Xam Pom Xav Kom Ua 1

**Cov neeg uas les dejnum:** Cov Nroog, Hennepin County thiab Metropolitan Council

Ua kev sojntsuam xam ntxiv los xam cov pevxeem tau nyiaj tsawg thiab cov neeg uas siv tsheb diav taug kev mus los nkaus xwb uas nyob rau thajtsam ntawm txoj kev tsheb ciav hlau uas yoojyim txuas tau mus rau tsheb npav thiab lwm hom tsheb diav mus los.

**Lub tswvyim:** Kev sojntsuam ntxiv yuav pab kom muaj kev pab tau cov neeg uas siv tsheb diav nkaus xwb, cov neeg tsawg (minority) thiab cov tau nyiaj tsawg muaj cuabkav siv tau txoj kev tsheb ciav hlau tshiab uas yuav pab tau ntau yam rau kev noj qab nyob zoo.

---

## Kev Xam Pom Xav Kom Ua 2

**Cov neeg uas les dejnum:** Cov Nroog, Hennepin County thiab Metropolitan Council

Ua muaj kev qhia tshaj tawm ntxiv mus rau cov pejxeem uas nyob raws ib ncig ntawm txoj kev Bottineau Transitway uas yuav ua, tshwjxeeb yog cov neeg uas tsis muaj neeg sawvcev txaus rau lawv, xws li cov neeg tsawg, cov tsis paub hais lus Askiv thiab cov tau nyiaj tsawg.

**Lub tswvyim:** Kev muaj pejxeem neeg tuaj koom coob yuav pab tau rau kev tsheb ciav hlau thiab tej chaw zov tos tsheb paub pab tau cov pejxeem neeg uas tsis muaj neeg sawv cev txaus thiab ua muaj kev yoojyim mus los rau lawv.

---

## Kev Xam Pom Xav Kom Ua 3

**Cov neeg uas les dejnum:** Cov Nroog, Hennepin County thiab Metropolitan Council

Xam qhov kev loj hlob lossis kev vammeej uas yuav muaj neeg los nyob coob thiab yuav muaj kev lagluam nyob rau thajtsam ntawv qhov caw zov tos tsheb, thiab tsim muaj cai tswjhwam tham chaw (zoning), kev nres tsheb thiab vajtse, kom yuav txhawb muaj neeg coob, muaj kev txhimkho ua ntau yam uas yuav pab tau rau cov neeg tamsim no thiab yav tomntej.

**Lub tswvyim:** Qhov muaj neeg los coob thiab kev lagluam ntau nyob rau thajtsam chaw zov tos tsheb yuav pab neeg coob siv tsheb ciav hlau mus ua tau haujlwm thiab muaj ntau hom vajtse nyob ib ncig zos uas yuav siv nqi kev mus los tsawg. Thajtsam neeg nyob ceeb thiab muaj ntau yam kev txhimkho yuav ua rau cov neeg uas tos tsheb diav muaj kev mus los tau yoojyim, tsis tsav tsheb ntau thiab muaj cuabkav ua rau ibncig zoo rau neeg mus kotaw.

---

## Kev Xam Pom Xav Kom Ua 4

**Cov neeg uas les dejnum:** Cov Nroog thiab Hennepin County

Tsim muaj kev mus kotaw thiab kev caij tsheb tuam ob lub log nyob rau thajtsam chaw uas yuav ua qhov chaw zov tos tsheb.

**Lub tswvyim:** Kev tsim muaj kev mus kotaw thiab kev caij tsheb tuam ob lub log nyob rau thajtsam chaw zov tos tsheb yuav ua rau muaj tsheb sibtsawg thiab ua rau neeg xav mus kotaw thiab caij tsheb tuam ob lub log. Ntxiv rau qhov ntawd, nws yuav pab kom muaj ntau yam zoo uas yuav ua rau neeg siv lawv lub cev heev dua. Kev muaj neeg mus kotaw thiab caij tsheb ob lub log coob los kuj yuav pab txhawb rau tej kev lagluam nyob ibncig loj hlob.

---

## Kev Xam Pom Xav Kom Ua 5

**Cov neeg uas les dejnum:** Cov Nroog thiab Hennepin County

Ceev tseg tej nqi vajtse kom nyob li qub uas neeg them taus thiab pab txhawb kev tsim vajtse tshiab ntau hom ntxiv uas neeg them taus nyob ze thajtsam kev tsheb ciav hlau, uas yog siv tej tswvyim uas twb ua muaj kev vammeej rau lwm qhov chaw thoob plaws tebchaw los lawm.

**Lub tswvyim:** Kev ceev tseg tej nqi vajtse kom nyob li qub thiab neeg them taus thiab kev pab txhawb tsim ntau hom vajtse nyob uas neeg them taus yuav pab kom muaj neeg coob siv kev tsheb ciav hlau, cov neeg tsawg thiab tau nyiaj tsawg los yuav siv tau txoj kev tsheb ciav hlau tshiab, thiab thaum kawg, tau txais kev noj qab nyob zoo ntau tshaj.

## Nyob Nrog Koomtes

Kev xam pom ntawm Bottineau HIA yuav muab siv rau sijhawm kev npaj ua tej chaw zov tos tsheb rau kev tsheb ciav hlau Bottineau Transitway. Kev npaj txog tej chaw zov tos tsheb nyob rau thajtsam yav kev tsheb ciav hlau hauv Minneapolis thiab Golden Valley yuav pib rau thaum yav ntxov ntawm xyoo 2014.

Hennepin County tau koomtes nrog Nexus Community Partners thiab lwm tus los tham nrog cov pejxeem zej zos nyob raws txoj kev tsheb ciav hlau Bottineau Transitway thiab tau muab qhov kev tsom xam kev noj qab nyob zoo los tso nyob nrog rau txoj kev npaj.

Yog xav paub ntau ntxiv seb ua cas koj thiaj nyob nrog koomtes tau, thov hu Denise Engen ntawm tus xovtooj 612-348-4454 lossis email [Denise.Engen@hennepin.us](mailto:Denise.Engen@hennepin.us).

## Xam xyuas tsab ntawv qhia txog tsab kawg

Muaj ntau hom kev tshajntawm uas siv los nrhiav pejxeem tej kev xav rau Bottineau HIA (Kev Sojntsuam Pab Rau Kev Noj Qab Nyob Zoo), xws li kev tsa muaj ib pab pawg neeg los ua pab tawm tswvyim, kev tham nrog cov tswv lagluam los tswv teb tswv chaw, tej pab pawg neeg sibthaam thiab kev muab sibhawm tseg rau pejxeem los hais. Tsis tag li, HIA kuj tseem tau mus xam xyuas tej ntaub ntawv uas hais txog tej no thiab tej kev tshawbfaub yav tag los uas hais txog cheebtsam no.

*Bottineau HIA tsab ntawv qhia txog tagrho muaj 125 sab. Mus saib tau nyob hauv internet ntawm [www.hennepin.us/bottineauhia](http://www.hennepin.us/bottineauhia).*

Tsab ntawm qhia txog tsab kawg thiab tsab ntawm cov lus xam pom uas yog tsab no muaj luam tseg pub rau sawvdaws nyob hauv Hennepin County cov tsev Library li hauvqab no: Brookdale, Brooklyn Park, Golden Valley, Rockford Road and Sumner.

Bottineau Transitway Kev Sojntsuam Pab Rau Kev Noj Qab Nyob Zoo tau txais kev pab nyiaj los ntawm Health Impact Project, uas yog ib qhov kev koomtes ntawm Robert Wood Johnson Foundation thiab The Pew Charitable Trusts, nrog rau nyiaj pab los ntawm Blue Cross thiab Blue Shield ntawm Minnesota Foundation. Tej lus lossis tswvyim uas hais nyob no yog los ntawm tus neeg sau tsab ntawv no thiab lwm tus neeg, thiab tsis tau txhais tias yog lus lossis tswvyim raws li Health Impact Project, Rober Wood Johnson Foundation, The Pew Charitable Trusts lossis Blue Cross thiab Blue Shield ntawm Minnesota Foundation tej kev ntseeg.



**Hennepin County**  
Public Works

Hennepin County does not discriminate and provides equal access to employment, programs and services without regard to race, color, creed, religion, age, sex (except when sex is a bona fide occupational qualification), disability, marital status, sexual orientation, public assistance status, socio-economic status, education, ethnicity and/or national origin. If you believe you have been discriminated against, contact the Human Resources Department, A-400 Government Center, 300 S. Sixth St., Minneapolis MN 55487, or call 612-348-2163. (9/09)